

2 Jon

Yäñ-yäkñarani äma nämo täñkentäñ yämne

1 ✧ Watä ämajin näkä webe pähap yäpmäñ daniwani gäk ba äpetkaye nanakaye inta man ño kudän täñpäñ tamitat. Näk nadäñ tamikinik täk täyat. Täñpäkañ näkñagän nämo. Ämawebe man bureninik nadäñpäñ bänepi-ken pek täkañ u bok nadäñ tamikinik täk takamäñ.

2 Man bureni unitä täñpewän not ude täñpäñ itkamäñ. Man bureni uwä bänepnin-ken pätak ba pen api pat yäpmäñ kwek.

3 Eruk, Anutu Nan ba nanaki Jesu Kristo unitäño orakoraki ba butewaki ba bänep pidämtä bämopnin-ken pen kañ it yäpmäñ ärowän. It yäpmäñ äronjirän man bureniğän nadäñpäñ Anutu täño bänep iron terakgän it takäna.

4 ✧ Tägagämän kubä nadätat! Man bureninik Nantä kañ iwarut yäñpäñ peñ niwetkuko u äpetjiye nanakjiye ätutä buramiñpäñ yäpmäñ kuñat täkañ. Manbiñam ude nadäñpäñ bänepnatä oretoret pähap nadäk täyat.

5 ✧ Unita webe pähap, man kudupi nämo gäwerayäñ. Nämo, bian mebäri-ken umunitä nadäñ yäpmäñ äbäk täñkumäño ugänpäñ gäwerayäñ. Uwä ñode; Äbot täñpani ämawebe nin bänep iron täktäk kowata kowata täñpäñ kuñat takäna.

6 ✧ Tänpäkaŋ bänep iron kädet täŋo mebäri u ŋode; Nin Anututa gäripi-inik nadänpäŋä unitäŋo mani buramine. Unita äneŋi yäkgän tänpa; Man yäput penpän ŋode nadänkuŋo udegän iwat täkot; Bänep iron täktäk kädet iwatpän kuŋat täkot.

7 ✧ Nadäkaŋ? Yän-yäkŋarani äma mäyap it yäpmän kukaŋ. Äma udewani Jesu Kristo äma äworeŋpän ahänkuko unitäŋo manbiŋam ut täkaŋ. Äma ude-waniwä yän-yäkŋarani äma ba Kristo täŋo iwan ubayän.

8 Unita äma udewanitä täŋ-täkŋat-pewä Ekäni täŋo kädet iwatpän gwäki yäpmäktapiäni täk täŋkuŋo u paot tamekta nadänit nadänit kuŋat täkot. Pen ude täŋ yäpmän kuŋarirä Anututä kowata gwäki ärowani pähap api tamek.

9 ✧ Tänpäkaŋ äma Jesu Kristo täŋo manbiŋam säkgämän nämo initkan iniken nadäk yäpurärätpäŋ yänahäk täkaŋ, äma udewanita ŋode nadäneŋ; Anututa biŋam nämo itkaŋ. Täŋ, äma Jesu täŋo manbiŋam ugänpän pen initpäŋ yäpmän kuŋat täkaŋ uwä Nan ba Nanakitä äma ukät bok it täkaŋ yän nadäk täkot.

10 ✧ Tänpäkaŋ äma kubätä inken kuŋpäŋ Jesu u äma äworeŋpän kome terak kuŋatkuk yän man siwoŋi ude nämo täwetpäŋ täwoŋärewayän täko uwä not täŋ imiŋpäŋ yotjin-ken nämo yänikŋat yäpmän äroneŋ.

11 Täŋ, in kubätä äma udewanita not tänpäŋä jop manman yäwani täŋo noripaki yän nadäkot.

12 ✧ Nanaknaye, man mäyap täwerayän nadätat

upänkaŋ mäyap nämo kudän täŋ tamayän.
Ärewayän nadätat unita kadäni ärewayän täyat
uken man yänpäŋ-nadäk kaŋ täna. Ude tänpäŋ
bänep oretoret bureni api nadäne.

¹³ Eruk, yäpmäŋ daniwani notkapak unitäŋo
äperiye nanaktä bänep täga man täwetkaŋ ŋo. Ugän.

Tuma-Irumu
The New Testament and portions of the Old Testament
in the Tuma-Irumu Language of Papua New Guinea
Nupela Testamen na sampela Olpela Testamen long
long tokples Tuma-Irumu long Niugini

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

Contributor: Wycliffe Bible Translators, Inc.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-03

PDF generated using Haiola and XeLaTeX on 3 May 2025 from source files dated 3 May 2025

914cbf46-f59a-54d1-b209-0f763534edb5